

Redovni izvještaj dnevnih događaja i pojava

Izvještaj se odnosi na događaje u vremenskom periodu od 22.01.2026. godine od 08:00 sati do 23.01.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je intervenciju na gašenju požara u ul. Sarajevska, gdje je gorjelo smeće u kontejneru.

Općina Velika Kladuša. Vatrogasna jedinica općine Velika Kladuša imala je intervenciju na gašenju požara od 09:18 do 10:20 sati u mjestu Polje, gdje je gorio podrum od porodične kuće. Pričinjena je manja materijalna šteta.

Tehničke intervencije

Grad Bihać. Vatrogasna jedinica grada Bihaća imala je tehničku intervenciju u ul. Dr. Irfana Ljubijankića, sapiranje kolovoza nakon saobraćajne nezgode.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi su prohodni.

Magla mjestimično smanjuje vidljivost na širem području grada Bihaća.

Na magistralnoj cesti Vrhpolje-Ključ (dionici Kamičak-Ključ), zbog radova na izgradnji mosta preko rijeke Banjice, saobraća se naizmjenično, jednom trakom.

Na graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se devet saobraćajnih nezgoda.

Jedno lice zadobilo teže i dva lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Grad Bihać. Zbog povećane izdašnosti i zamućenja vode na izvoru Ostrovica, za naselje Kulen Vakuf preporučuje se korisnicima da iz preventivnih razloga prokuhavaju vodu prije upotrebe za piće, sve do obavijesti o normalizaciji stanja u vodosnabdijevanju.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA –NUS (LP-19)

Grad Bihać. Od PS-e Bihać primljen je Zahtjev o preuzimanju NUS-a za uništavanje koji se nalazi u prostorijama PS Bihać, radi se o 26 komada municije cal. 7,62 mm i 8 komada municije 7,65 mm.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 0.2 °C.

Vodostaj rijeke Une iznosi 50 cm, (početak obavještanja je 100 cm).

U općini Sanski Most u 07:00 sati temperatura je iznosila 0 °C.

Vodostaj rijeke Sane iznosi 134 cm (početak obavještanja je 310 cm).

Visina snijega 4 cm.